

Innkalling

REPRESENTANTSKAPET HAUGALAND VEKST

DATO: fredag 11. august 2023

TID: Kl. 09.00

STED: Teams

SAKSLISTE

Kl.		
09.0	Sak 24-23	Godkjenning av innkalling og saksliste
09.05	Sak 25-23	Framlegg til samarbeidsavtale for Haugalandsrådet IPR og endringer i selskapsavtalen for Haugaland vekst IKS

Haugesund 17. juli 2023

Arne-Christian Mohn

Leiar i representantskapet

Sak 25-23: **Framlegg til samarbeidsavtale for Haugalandsrådet IPR og endringer i selskapsavtalen for Haugaland vekst IKS**

Sakshandsamar Øyvind Valen

Framlegg til avtalar blei utsendt i kalenderinnkalling 13. juli og er vedlagt denne innkallinga. Grunna ferieavvikling har avtaleutkasta ikkje vore til drøfting hjå kommunedirektørane. Det er innkalla til eit møte i forkant av representantskapsmøtet, og det er mogleg det kjem innspel der som må vurderast i representantskapsmøtet.

Bakgrunn:

Ny kommunelov i 2019 fastslo at regionråd som var organisert gjennom § 27 om oppgåvefelleskap i gammel lov måtte gjerast om til eit «Interkommunalt politisk råd» - § 18-1.

Fristen for dette er inneverande kommunestyreperiode. Vårt regionråd er ikkje organisert slik, me er organisert gjennom eit IKS. Våre regionrådsnaboar er alle organisert på same måte, men i resten av landet er det meir sjeldan.

Regionråd som er organisert slik vårt råd er organisert, har meint at lovendringa ikkje får konsekvensar, men advokatar i KS og i Samfunnsbedriftene (Tidlegare KS-bedrift) meiner no at alle regionråd må organiserast som interkommunale politiske råd (IPR).

Administrasjonen har hatt fleire møte med advokat Håkon Riegels i Samfunnsbedriftene, og me har hatt ein del av desse saman med Ryfylkerådet, Hardangerrådet, Sunnhordalandsrådet og Nordhordalandsrådet. Riegels har og vore konsultert på eit av styremøta i Haugaland vekst IKS. Styret og administrasjonen la saka fram for regionrådet 8. juni, og rådet gjorde her fylgjande vedtak: [Saksutgreiinga ligg her \(frå side 10\)](#)

1. *Regionrådet blir skilt ut frå Haugaland vekst IKS med namnet **Haugalandsrådet IPR**.*
2. *Representantskapet i Haugaland vekst IKS skal vera identisk med dei som har røysterett i Haugalandsrådet IPR.*
3. *Haugaland vekst leverer sekretariatstenester til Haugalandsrådet.*
4. *Kostnadene til Haugalandsrådet IPR blir dekkja av grunnsummen som kommunane i dag betaler til Haugaland vekst IKS.*
5. *Administrasjonen blir bedt om å laga framlegg til avtalar, som kan leggjast fram i eit digitalt møte i representantskapet snarast. Dette blir tilrådinga til kommunestyra. Administrasjonen blir og bedt om å laga framlegg til sakspapir for kommunane.*

Utkasta som no blir lagt fram har vore inne til vurdering og innspel hjå kommuneadvokatane i Karmøy, og administrasjonen i Haugaland vekst meiner no at utkasta skal vera klar til å kunne handsamast.

Til dei to avtaleutkasta:

1. Samarbeidsavtale for Haugalandsrådet IPR.

Framlegget til avtale tek utgangspunkt i avtalen som gjeld for Haugaland vekst IKS i dag, og det er såleis lagt til rette for at det ikkje skal skje store endringar i måten regionrådet og Haugaland vekst i dag blir oppfatta i kommunane. Likevel tek avtalen høgde for det som ligg i kapittel 18 i kommunelova. Dei viktigaste momenta er følgjande:

- Regionrådet bestemte i møtet juni-23 at namnet skulle vera Haugalandsrådet. Etter kommunelova skal det i tillegg heita "interkommunalt politisk råd", i det vidare er dette forkorta til IPR.
- Det er lagt til rette for at dette er to søsterorganisasjonar. Dette blir gjort for at Haugalandsrådet IKS kan nytta Haugaland vekst IKS som sekretariat utan at det er trong for anbodsrunde. Sekretariatsfunksjonen er skrive inn i avtalen. I følgje advokatane i Samfunnsbedriftene (tidlegare KS Bedrift) er det då ein føresetnad at det er identiske representantskap i Haugaland vekst IKS og Haugalandsrådet IPR. Det er og slik at medlemskap i Haugalandsrådet er avhengig av medlemskap i Haugaland vekst og vice versa.
- Kommunedirektørar og fylkesdirektør kan ikkje gjevast røysterett i rådet eller i underliggjande organ som kan ta eigne avgjerder. (kommunelov § 7-3 b). Dei har etter avtalen tale- og forslagsrett som i dag, men dei kan t.d. ikkje lengre få delegert fullmakt til å røysta når ordførar er borte. Ein eventuell kommunedirektør i arbeidsutvalet vil også maksimalt ha tale- og forslagsrett.
- I økonomisk innbetaling er det lagt til grunn at alle kommunane betaler inn lik grunnsum. Denne er lik grunnsummen som kvar kommune i dag betaler til Haugaland vekst, og erstattar denne. Det skal difor ikkje bli auka kostnader knytt til endringa.
- Myndet til å avgjera bruk av «Regionrådets fond» blir lagt til Haugalandsrådet IPR.

2. Endra selskapsavtale for Haugaland vekst IKS.

I utgangspunktet er det gjort tre reelle endringar i denne avtalen:

- Alle punkta som viser til regionrådet er teke bort, med unnatak av at sekretariatsfunksjonen til Haugaland vekst IKS for Haugalandsrådet IPR er skrive inn.
- Finansieringa er endra slik at grunnsummen som kvar kommune skal betala blir teke bort og overført til finansiering av Haugalandsrådet IPR. Summen for kvar innbyggjar er indeksregulert til

næraste krone. Elles er finansieringa urørt, slik at innbetaling frå kvar kommune samla til dei to selskapa, blir lik som ho ville vore utan dette skiljet.

- Samanhengen mellom medlemskapet i Haugalandrådet IPR og Haugaland vekst IKS er skrive inn.

Endringsframlegga vil visa i vedlegget

I tillegg er det gjort ein del endringar grunna endringar i ulike lovverk sidan avtalen sist blei gjennomgått. Dette blir oppfatta som redaksjonelle endringar. Dette gjeld:

- Rådmann er bytta ut med kommunedirektør, fylkesmann med statsforvaltar
- Namnet på lovar og vising til enkeltparagrafar er endra der kor aktuell lov er endra.
- Endringar i titlar og namn når det gjeld paragrafen om valdgift.

Desse endringane viser ikkje i vedlegget, då dette kun er ein følge av vedtak, gjort av Storting og departement, som allereie er gjeldande lov.

3. Endringar med bakgrunn i ny IKS-lov vedteke juni-23.

Lova om interkommunale selskap (IKS-lova) blei og endra av Stortinget rett før sommaren. Det er ikkje så mange endringar som vil påverka selskapsavtalen, men nokre er det. Kommunane skal sikkert etter kvart ha alle sine IKS-avtalar opp til behandling, men me har skrive endringane som vil koma som følge av denne inn i dette framlegget:

- Reglane for møteoffentlegheit i kommunelova (§28) gjeld og for møta i representantskapet.
- Departementet skal ikkje ha ei rolle ved eventuell avvikling.
- Representantskapet skal og vedta årsberetning / årsmelding.
- Det skal veljast to varamedlemmer til representantskapet.

Desse punkta er skriva inn i avtaleutkastet med brunt.

Konklusjon:

Administrasjonen i Haugaland vekst tilrår at regionrådet godkjenner avtalen om Haugalandrådet IPR og endringane i selskapsavtalen. Avtaleframlegga blir så oversendt kommunane til endeleg behandling i kommunestyra. Endringane trer i kraft når alle kommunane har handsama saka.

I behandlinga i regionrådet kom det og fram ynskje om at det i tillegg var behov for å vurdere eigarstrategien i Haugaland vekst, styresamansetjing og tenesteavtale for sekretariatstenester. Det blir tilrådd at kommunedirektørgruppa startar dette arbeidet i tett samarbeid med styret og administrasjon, og at dette blir skrive inn i kommunane sine saksutgreiingar.

Framlegg til vedtak:

Representantskapet tilrår at kommunane i Haugaland vekst IKS vedtek «Samarbeidsavtale for Haugalandrådet interkommunale politiske råd» og «Selskapsavtale for Haugaland Vekst IKS» slik dei ligg i saksframlegget.

